

歷代畫家詩文集

松圓浪淘集
(二)

臺灣學生書局 印行

歷代畫家詩文集

松圓浪淘集
(二)

臺灣學生書局印行

新學
PDG

松圓浪淘集



新安 程嘉燧孟陽 著

雪江卷十五

九四十七首

人日次李茂初韻却寄

東家值雪盼庭柯西閣留僧夜語和舊侶只憐
經宿少新詩還想逼年多紙窗青火時成趣綠
酒春風忽乍過不見君來又人日早梅看去奈
愁何

張季脩新年北上謁選走筆送別

殘年短揖背孤城上日長裾謁帝京風雨夜

燈空問澗關河春雪漫崢嶸載醪揚子甘持戟
釀秫陶潛且代耕不是折腰縻薄祿恐虛經術
負平生

訪孔雀庵蘊暉師不遇

竹塹蘿垣白板扉庭梅爛熳雪花飛窺窻白拂
仍留在却抱孤琴下翠微

由廣陵過江訪姚允初先生感舊

青鏡流年不可思浮雲世事豈堪期扁舟未負
三山約雙鬢還容四海知羽扇高名誰子敵深
孟痛飲亦吾師艱難別後無勞問相見生前且

盡凡

過閔老喫茶作

團面何須作鳳形石頭那許雜中冷
月來慣同奴飯白未見已令儂眼青
秋露過春翠欲滴松風到門寒可聽
君家仲叔老多事我更無煩呼玉餅

再集姚丈鷲羣閣

得攀高閣問鷲羣每醉春陰話夕曛
梅對一枝庾嶺雪峰移幾片洞庭雲
西堂夢草初成句南郭馳煙舊勒文
別後思君期命駕梁閒懸榻許

仍分

雪中方求仲載酒出詩就訪道故

漂零短褐十年餘曾在銀鈎慰索居
明鏡紅顏他自見滄江白髮爾何如
閒窮物外酬天問老向人間得子虛
咫尺尋君成興盡京華風雪山無驢

養生引

爲海虞張虹川賦

駑馬戀豆畏着鞭駿足追風馳
蟻旋相顧長鳴哀且憐士逢知己
生姿妍嗜好清渾異酸鹹氣味正
平無葷羶恨不論交廿載前君爲
功曹令

吏員鳴笏蹠屣衣馬鮮使氣脫交在片言橫遭
羅織墜九淵一朝覆盆俄見天爰書明白相澣
湔千金火浣辭炎煙盈尺白壁完雕鐫鬚眉蒼
素舉止閑揖讓長在賢豪間何如俗儒矜瓦全
詆人輒不值一錢見同井蛙與蠅蝟觸冒顛隤
身首駢義貴方兮智貴圓高門縣簿曾何嫌談
笑解紛慕魯連張公張公吾所賢君不見批郤
導窾神砉然云可養生兼延年

二月十三遊陽山宿文殊寺

一宿長雲又下山腳跟踏破領毛班幽泉似作

習人語底事塵中日往還

次日遊西白龍廟觀古栢題壁

牽确枯藤得得來蒼皮無恙蘚垣頽老年欲占
峰頭石冒雪穿雲看幾迴

送葛山人佺山訪眉公

好去佺山笋倍香故人曾約入林嘗拔雲一夜
三千丈白髮新年似箇長

四月初一日孫氏女佛容舉外孫喜書二
絕

彌月初名滿月容弱年吉夢又維熊白頭衰舅

無勞似如蜩英姿繼阿翁

看汝驚人會一鳴還家憑客試啼聲自誇擇壻
嬰孩日已道他年宅相成

同方季康栖虎丘鐵佛房即事

山中客到棲山寺時有蘭舟載酒迎豐草臥來
元似鹿春花飛盡只啼鶯水邊人簇新圖見月
出歌殘舊恨生閒夜沈寥清磬後荒螢野沼自
縱橫

寺門窈窕水西東士女嬉遊夜不空燭下歌船
人面月茶閒禪榻髻絲風轆轤聲杳千尋淥羅

綺塵驕十丈紅頭白風情消未盡醉聽仙梵宿

花宮

虎丘覽古

香臺劒石一丘中雲臥相將海客同啼鳥日光
東堰水歸鴉山照北樓風草芳西子裙腰綠月
墜真娘寶靨空畫取鐵花巖壁去千金休買碧
玲瓏

蔣仲雄衡伯泛舟邀遊上方先飯一雨師
菴中晚歸同彝仲即事

綠陰成穗水生光共泛蘭苕陟上方風味總投

香鉢裏冰心細倒玉壺傍峰銜落日催殘醉湖
帶流雲送薄涼月出橫塘歌稍發迴橈不覺浦
煙長

亭上送唐兄感舊

廿年落拓江湖侶載酒尋花剩此亭臨老別
竟消已盡不勞鶯語尚丁寧

題畫

春雲荏苒荇參差知是山家采綠時昨日小舟
來送酒城中傳却鬪茶詩

聞等慈師在拂水有寄

經年不見東林遠聞住峰頭看瀑飛古寺正如
昏壁畫層湖都作水田衣相逢不厭陶潛飲細
倒松肪貌翠微

題畫扇半塘雨歸

雲巖山寺有無中雨過山塘翠掃空城市近來
添好事袖閒收得碧玲瓏

題扇送季康

舉首陽山是白雲擬同遊宿又輕分含情唯有
河橋樹一路依依遠送君

送唐兄

幾度花時不出村，忽隨官舫去蓬門。
老懷易覺山川隘，永日難忘寤寐言。
堂北瓜塍連子母，窗前竹櫬養兒孫。
臨岐西向空成笑，消盡當年黯黯冤。

雨中別等慈師拂水山房寄懷一首

遠尋禪老叩林霏，松栝藏門盡十圍。
好事祇餘投白社，娛人况復自清暉。
帆前雨重憐峰去，寺杪湍驚想瀑飛。
休夏再來曾有約，何時心迹兩皈依。

虎丘僧房夏夜試茶歌

深林纖纖月欲沒坐久明星爛於月正無微籟
生虛空忽有幽香來醖醖未須涓滴潤喉吻已
覺煩溽清肌骨泉新火活妙指淪風味難言空
約略芳蘭出林露初泫寒梅吐韻日猶薄洞山
標格稍云峻龍井旖旎徒嫌弱淨名妙香自無
盡天女散花仍不着世人耳食喧茶經此山尤
物遭天刑鎖園鈴拆亂鳥雀把火敲扑驚山靈
空煩採括到泥土豈有烹噍分淄澠鄰房藏乞
自封褁色敵翠羽疑空青庭閒夜寂客亦韻潛
解綠箬開芳馨元與枯腸洗藜苲肯爲甘味充

羶腥

隱峰師東軒同蓮居師兄茶話

雪中別師去歸來桃欲花雲巖月三穀松窻泛
鮮霞心期宛不隔清味風閒茶江海生早秋始
覺歸意賒師門有龍象經行過流沙持鉢清涼
山春寒犯邊笳錫飛空香中先余已還家侵晨
東軒下汲水陳茶瓜香雲徧黻黷涼風動袈裟
吾師道機熟對人橫雙跣何當集真侶焚香行
法華

隱峰菴主五十

雨潤禪枝夏木青
林公丈室晝長局
風前茶熟疑甘露
日下桃紅類楚萍
身喻芭蕉無實相
法參蘆蔔有餘馨
十年宴坐兼行道
長住天台止觀經

東鄭彥逸索酒二絕

西家甕面猶存否
自向秋池洗破瓶
矮閣書窗須一盞
黃昏深柳似南屏

莫笑老慵無飲興
偶思一盞爲新涼
不辭洗勺分涓滴
小戶何妨共醉鄉

八月中秋示鮑甥將赴揚州

是時鮑甥母喪孫石甫正

奔父喪而余春前
哭妹情見乎辭

子行無復倚門親相見何堪涕泗頻岐路殘春
長斷信一家圓月正傷神還山已荷埋身鍾隱
閣仍危執角巾寄語江邊楊柳樹自今愁作渡
江人

八月過邁齋留宿

江淺潮仍漲城南放舸輕園林長偃卧水竹自
逢迎桂滿華輪缺畦香白露盈酒闌聞曲後愁
絕獨沾纓

琴琴亭作